

山川

廣東考古輯要二

廣東攷古輯要卷六

山川

廣州府



坡山 一南海縣城內西南隅高三四丈向在江干相傳晉時渡口故稱坡山古渡頭山為劉龔所鑿竟成培塿明洪武初建鐘樓其上

浮邱山 縣城西上有朱明觀下有挹袖軒即浮邱丈人得道之所宋蔣之奇方信孺明黎民表有詩

雙女山 縣西一名鳳山宋史開寶四年潘美等伐南漢渡瀧頭之險至馬徑砦於雙女山劉鋹出降即此

三山 縣南三峰並起競秀凌空舊有三山寨明廖永忠擒邵宗愚於此西有天生石俗名大石鼓東南有靈泉兩谷夾之

廣東攷古輯要卷六

山川

泉味香冽四時不竭

石門山 縣城西北兩山對峙夾石如門前有控海樓下有合泉唐杜審言宋蔣之奇方信孺明張詡陳獻章皆有詩按史記南越傳樓船將軍精卒陷尋陁破石門索隱引廣州記云呂嘉拒漢積石江中為門故名考南海古蹟記諸書皆云兩山夾江對峙如門乃天生形勝非積石為之呂嘉積石為門之石門疑非合泉之石門也

黃麋山 縣西東南有二岩後有石室通明可容數十人元末土人常避寇於此

旗峰山 縣西形如展旗故名上有平石山腰流泉冬夏不竭

靈洲山 縣西北以靈氣所鍾故名南越志肅連山西十二里有靈洲焉其山平原彌延層野極目景純云南海之間有衣

冠之氣者斯其地也肅連地名宋方信孺有詩

西樵山 縣西南周迴四十里峰巒七十有二互相聯屬面皆
內向泉之名有十曰大珠潭大珠井曰金銀曰紫姑曰無底
曰木鄧池曰天溪曰九曲湖曰小西其一曰樵洞之名六曰
白雲曰碧玉曰廣朗曰石泉曰寶林曰獅子谷之名者一曰
雲谷岩之名者九曰噴玉曰錦曰鉄泉曰翠曰通天曰玲瓏
曰講學曰仙隱曰鳳凰台之名者十一曰仰辰曰伏虎曰玉
鏡曰聚仙曰獨醒曰讀書曰望沙曰披雲曰臨翠曰鳳凰曰
長春石之名者八曰洞賓曰飛來曰紫姑曰神女曰五指曰
仙帽曰戩劍曰梁唐曹松宋李歸英明叵大相有詩

走珠石 在河南舊傳有賈胡自異域負其國之鎮珠逃至五
羊國人重載金寶堅贖以歸既至半道海上珠復走還徑入

廣東故古輯要 卷六 山川 二

石下竟不可見至今此石往往有光夜發疑爲此珠之祥明
方信孺有詩

荔枝灣 城西南漢昌華苑故址南越志江南洲周迴九十里
中有荔枝洲上有荔枝冬夏不凋

白鵝潭 在珠江上流二里水大而深每大風雨有二白鵝浮
出

沈香浦 城西北晉吳隱之罷郡見妻篋中有沈香一片遂投
於此水一名投香浦

拾翠洲 縣西南古有律亭唐陸龜蒙詩候吏多來拾翠洲是
也明建翠華亭於此

貪泉 縣西北一名石門水晉中興書云吳隱之往廣州飲貪
泉爲堅潔之性南越志石門三水俗云經大庾則清穢之氣

分飲石門則縑素之質變卽吳隱之酌飲之所也隱之詩云
古人云此水一飲懷千金試使夷齊飲終當不易心唐胡權
有賦宋古成之有詩

吊碑古井 在城中六榕寺有石碑橫水上長四五尺其半在
井牆土內形如弔卦於井中者故名味甘美居人取汲於此
四井 縣城內唐書地理志南海縣山峻水深民不井汲都督
劉巨麟始鑿井四今城內有日井月井星井乾明井疑卽其
故址也

太保泉 縣官溪一山屹於中流名曰小金山又曰靈洲明正
德中太保武定侯郭公世臣以公事自蒼梧下五羊經此勝
而登焉俯察地脉指曰此穴可井而有甘泉住持定禪鑿之
味甘而冽咸曰此太保泉也明徐志文有記

廣東古蹟要

卷六

山川

番禺二山 [番禺]縣東南相連如城按水經注浪水東別逕番
禺山海經謂之賁禺者也交州治中合浦姚文式問曰何以
名爲番禺答曰城東南偏有水坑陵城倚其上聞此縣人名
之爲番縣名番禺倘謂番山之禺也據此則番禺止一山不
分二名矣

越秀山 縣北上有越王台故址唐韓愈詩樂奏武王台是也
一名越王山明永樂初指揮花英於山巔起觀音閣俗呼爲
觀音山

席帽山 在雙井街有南漢郊壇遺址明成化三年都御史韓
雍立塾台其上

馬鞍山 在縣北一名馬鞍岡水經注裴氏廣州記曰城北有
馬鞍岡秦時占氣者言南方有天子氣始皇發民鑿破此岡

地中出血今鑿處猶存以狀取目故岡受厥稱焉漢伏波將軍馬援嘗駐兵此岡每風雨晦暝聽之若有軍聲殷然

赤石岡 城東南南越志其色若丹占氣者謂其下有黃金扶南人欲以金萬鎰市之刺史韋朗謂南州之鎮不許明天啟間南海李待問建浮屠其上

白雲山 縣城北上多白雲高三百餘丈盤踞百餘里其下有龍泉泉之下爲大小水簾洞北一里有鶴舒臺安期生飛昇處臺之北有飛霞洞高百仞瀑布飛流又有虎頭岩其前爲虎跑泉宋運使陶定于半山建龍泉寺題曰千峰紫翠亭曰天南第一峰今廢去西南一里爲玉虹洞其南爲聚龍岡滴水岩菖蒲澗澗旁有蒲澗寺煉丹井左有菊湖今湮

亂石山 縣城北與白雲山相連一名白雲後洞一名紫雲下

廣東攷古輯要 卷六

山川

四

有水曰月溪唐杜審言有詩

棲霞山 在白雲山西南五里昔景泰禪師卓錫於此一名景泰雲峰中有泰泉下有泰霞洞

盧侯石 縣東南相傳吳隱之與盧循戰處一名南箕石

青螺嶂 在城南有葛洪弟子黃野人煉丹處一名白鹿岡相傳劉龔時獲白鹿於此

博大山 縣東北山有盧循母檀氏墓東南有盧候循浮海與吳隱之戰立烽堠處山下溪有神鼎唐劉道錫刺廣州遣人繫鼎引出鼎耳斷鼎沒執絳者耳盡爛

相對岡 縣東南兩岡相峙大江中流宋方信孺有詩

珠江 在城南一名沈珠浦僞傳賈胡沈珠於江化爲石其上

有寺士大夫燕遊餞送多在此

瀝滄堡江 去城十餘里卽古東衝宋書孫處傳由海道龍處
循於番禺卽此

沈夜湖 縣北南越志縣北有三湖一曰沈夜二曰葦湖三曰
芝蘭湖芝青藹景紅花亂目素鱗紫介此焉游咏父老云沈
夜湖者本層山連岫以永嘉之末一夕而沈故曰沈夜按三
湖今惟有芝蘭湖在席帽山下餘皆湮

菖蒲澗 在白雲山東北一名甘溪南越志昔交州刺史陸允
之所開也澗中多九節菖蒲世傳安期生採菖蒲服食之以
七月二十五日於此上昇郡人每歲是日往澗中沐浴以祈
霞舉宋蘇軾楊萬里有詩

波羅江 城東南海神廟前唐韓愈碑扶胥之口黃木之灣卽
此廟西有小邱屹立上建浴日亭蘇軾有詩

廣東攷古輯要

卷六

山川

五

越臺井 縣北趙佗所鑿深百餘尺泉味甘冷南漢號玉龍泉
宋番禺令丁伯桂始伐石開九竅以覆之因名九眼井後來
乃亭其上曰達摩泉相傳梁時達摩禪師初來指其地曰此
下有黃金民競掘之數丈而遇石穴而泉迸湧達摩云卽此
是也今越岡無他井蓋卽佗井無疑矣

學士泉 縣北明天順中學士黃諫謫廣州品其水爲嶺南第
一

九龍泉 在白雲山鄭安期隱於此初無泉有九童子見須臾
泉湧故名

鳳山 順德縣西前曰金榜山城跨其上昔道人游隱堂羅務
光嘗修煉於此下有紫霄園煉丹井遺蹟

神步山 縣東南怪石峻峭數峰奔騰逆上明萬厯中知縣倪

思築青雲路

都甯山 城東北其下龍岩峻壁峻嶒左列大石數品中有黃
嫗洞相傳五代時有黃嫗避地於此

龍頭山 城西南亦曰龍馬山蜿蜒最秀西爲馬登山南爲象
山上有墩下有馬鼻巖明鄒智常鼓柀遊此今人稱爲泊鄒
崖

鳳凰山 城西北有泉懸出名漱玉旁居鄉人多清節士吳貞
女居此

碧鑑海 縣西南曰粵江分流至此曲折環合其色澄碧故名
甘竹灘 縣西南灘石奇聳聲如雷霆江水海潮相爲吞吐邑
之巨觀也

回蘇井 城西北冬煖夏涼飲之已病

廣東攷古輯要

卷六

山川

六

道家山 東莞縣城內西南山巔有上清觀宋時道士崔紫霞
自羅浮來居此鑿井得泉名紫霞泉上有鳳凰臺相傳有鳳
集於臺下有亭邑人結鳳臺詩社於此

金牛山 縣西山勢岩巖下瞰海水山巔有亭攀緣而上名曰
海月奇觀水光接天一目千里

青紫峰 在縣城南高八十丈周五里浥朝霞則青當夕照則
紫宋陳應宸有詩

黃嶺 縣南唐十道志嶺南名山之一曰黃嶺其山峰巒秀拔
狀如卓筆逶迤而西下有廉泉明袁昌祚有九日登黃嶺詩
銅嶺 縣東宋熊將軍飛結義勇與姚文虎力戰於此左爲花
溪右爲銀塘有將軍別墅飛自刻花溪銀塘四字於石亂之
復整人以爲神

石鼓山 縣西南上有石如鼓南越志其土有亂則鼓鳴昔盧循來寇隱然有聲循卽敗

神山 縣東有石狀類神其陽爲鼓鎮岷下有龍潭卽龍江所經也水濱有許公巖最險

秀山 縣西南有大虎小虎山俗號虎頭門志云卽秀山也宋景炎二年元將劉深攻帝於淺灣張世傑戰不利奉帝退保秀山明廖永忠下東莞次虎頭關今外夷入貢及使島夷者皆取道於此

海月巖 城西南上有石井古傳海上風帆影落井中今無

武山 縣南宋余靖嘗候潮于此

到涌水 縣東南源自道家山來方言呼港曰涌卽古所謂到港也

廣東古今輯要

卷六

山川

七

雙女湖 縣東南舊圖經云昔岡下有雙女陷湖歲月綿邈每至晴霽湖中有雙鯉長丈餘

廉泉 在黃嶺之麓宋紹興間邑宰張勳築亭甃石扁曰廉泉元郭應木有銘明盧祚有箴

紫霞泉 縣西南宋時有道人崔羽號紫霞真人遊羅浮至此擇地鑿井得之

水簾 縣西彭崗山巔舊有大藤橫垂削壁雙瀑瀉藤而下狀若垂簾明盧寬有詩

杯渡山 (新安)縣南世傳有杯渡禪師渡海來居一名屯門山唐韓愈詩乘潮簸扶胥近岸指一髮屯門雖云高上映波浪沒卽此南漢大寶十二年封爲瑞應山今有瑞應巖虎跑泉

掛角山 縣東南一名桂角山多老桂兩峯對峙其形如角故

名牛潭一名鼇潭有雲卽雨上有仙女梳粧石宋鄧苻築力行書院講學其下今遺址尙存

參里山 縣西北方廣五里南越志寶安縣東有參里縣人黃紆者以孝聞於越華戎慕之如曾子改其里曰參里也按東莞縣東晉爲寶安縣地今新安縣明萬厯初析東莞縣地置九逕山 縣南下臨屯門澳明海道汪鉉帥土人殲佛朗機於此

紅水山 城南昔傳土人於此遇賊殲焉坑水盡赤故名上有龍船石二一仰一覆叩之聲如洪鐘

官富山 在縣東南山之東有官富場行朝錄景炎二年四月帝舟次於官富場是也

廬山 縣東北一名百花林其山絕險上有潭潭旁復通線路廣東政古縣要 卷六 山川 八

山內有田可耕常爲寇盜所據昔於山前置寨今廢

梅蔚山 縣南大海中行朝錄景炎二年正月南狩幸此今有石殿舊址

大奚山 縣西南山多鹽田宋以爲李文簡食采事無可放或者大奚山中有文簡自置鹽田其後子孫因以爲業耳宋紹興時設屯兵於此明祈順有詩

南亭竹沒山 城東南大海中林木叢茂內有廬亭相傳爲盧循之後能入水捕魚以棕葉竹箬爲衣

大鵬山 縣東南一名七娘山相傳有仙女七人遊此故名有龍潭鹿湖羊塘石室危石高岸飛瀑諸勝

大步海 縣南中有媚珠池南漢時採珠於此

零丁洋 縣零丁山下宋文天祥詩辛苦遭逢起一經干戈落

落四周星山河破碎水飄絮身世浮沈風打萍惶恐灘頭說
惶恐零丁洋裏歎零丁人生自古誰無死留取丹心照汗青
珊瑚洲 縣南昔有人於海中捕魚得珊瑚

鐘潭 在縣隆興寺旁昔傳廢寺佛像委潭內其鐘飛人覆之
土人善水者往往見其鐘紐欲決水取之輒遇風而止

龍穴洲 縣南大海中有龍出沒其間故名春波澄霽有蜃氣
結爲樓觀城堞人物車馬之狀

石鼓樓山 從化縣城有石穴大如屋溪水滙注衝擊有聲故
名又名鵝形嶺

風門山 城西高七十丈周三十里山陰有劉化巖相傳劉氏
女於此上昇是多積米之窟水孟出其半有積水常不竭

雲臺山 縣北山巔平行如臺常有雲氣覆之旁有洞穴可容
廣東攷古輯要 卷六 山川 九

三百餘人明梁有貞詩杖策恣遊討茲山信奇淑臺高隱半
雲巖深看飛瀑

百丈帶山 縣西北高可丈周百里有泉自山巔飛下分爲兩
道望之如帶明吳旦有詩

蜈蚣山 縣西南有三十餘節形如百足其麓有鐵場坑相傳
舊常於此煮鐵

北山 縣東北周百里三峰峻拔上入雲漢明黎貫有詩
鷹嘴山 縣北其巔有石曰燕石遇雨時若飛舞

石榴花帶水 縣東北山多野石榴花時夾水相映故名
楊州寨塘 縣東明正德時所鑿計廣八十餘畝

湯泉 一在縣北草石徑溪旁一在縣東北黃巖嶂下有硫黃
氣如湯沸可熟生物

七星岡 龍門縣城內岡凡七曰樞精岡曰璇岡曰璣岡曰權

星岡曰衡岡曰闔陽岡曰搖光岡珠聯不斷故云七星

石馬山 縣北石磴旁列旁有五石名童子讀書石

聖礫嶺 縣南上有喬木中有石磴流水九曲注爲飛泉百十

丈下有深潭不測歲旱以紅鐵投之則霖雨驟至爲一邑勝
槩

天柱嶺 縣南上有石牀世傳絕巘有羅隱題蹟

蓼溪嶂 縣東南山勢崑崙遠眺羅浮如在咫尺上有池曰卧

鹿方二丈隆冬水潤不竭

岳潭 縣東埔何村之界澄淨清碧有石如鼓俗名岳鼓

虎跳潭 縣南上有兩石相對各高丈餘虎跡宛然

甕泉 縣南有石如甕者七大者徑二丈小者徑一丈上有泉

廣東砂古輯要

卷六

山川

十

白石面湧出以入於甕而潛流爲溪其性甚烈

石人山 新寧縣東北又名石化山旁有數石峰明兵備王大

用射三矢於石以示武勦之曰石化山

百峰山 縣東峰巒百計蠻獠所出沒也下有石板潭明歐大

任有詩

潯洋山 縣北峰巒高聳俯瞰潯江其左爲仙女峰世傳仙女

劉三妹所居石菴有藤籃水盂二石諺云好唱莫如劉三妹

好打莫如朱光卿皆以絕技名也蓋三妹善謳不嫁修道於

此遂仙去云有草開花如錦名映山紅他山皆無之俗以爲

仙花

上川下川二山 縣南山多香蜡竹籐居民煮鹽者取水於此

下川山相近者曰海晏村明洪武四年海寇鍾福泉等挾倭

船寇海晏下川官兵追討至陽江平之於是徙二山居民入內地山遂荒廢

銅鼓山 縣東南層巒疊峙俯瞰大海風濤觸石聲如銅鼓故名下爲銅鼓海

湯湖 縣南玉懷峯之下四時如湯一名溫泉

雷潭 縣西雷常興於此故名

鳳凰山 增城縣城內南隅輿地紀勝本名春岡宋熙寧七年有鳳凰來集因名其陽有菊坡亭萬壽寺上有鳳凰臺

浮碇崗 縣東五里其色赤與羅浮相望圖經云浮山自海上浮來合於羅山此崗若浮山之碇

貌山 縣東南二十三里多娑娑摩竹圍三四尺至堅里人以爲弓弓形 弩見元和志今失所在

廣東攷古輯要

卷六

山川

十一

羅浮山 縣東北與博羅接界四圍高聳爲廣惠二郡之障

博羅縣下

泉山 縣西屹若巨屏上有瀑布百餘丈懸注如練元和志云其上多漆樹寰宇記增城縣白水山有五距烏按白水山蓋卽泉山後人傳寫訛合白水二字爲一也

雲母山 縣東寰海記云出雲母石續南越志唐天后朝增城縣有何氏女服雲母粉得道於羅浮山因所出名之

艘山 縣北有荔枝樹高八丈相去五丈而連理載寰宇記今不可考

增江 縣城東亦曰相江以崔與之作相得名唐韓愈詩雲昏水奔流天水潏相圍

別情洲 縣東南江水之中小洲四面懸絕古老相傳於此洲

上叙別因此爲名見寰宇記今名鴈塔洲

龍泉 縣西青山有神龍帶銅環上此水有磯此水則便澍而見元和志

仁山 香山縣城內東爲壽山西爲武山東南爲豐山外有盈山福山鳳山已平於築城時以其羅列如星環拱縣治名爲七星峰

大北山 縣東元末宣范托囉克台守其上一名舊寨山

雲梯山 縣東張許二道人嘗結菴絕頂今石匾猶存

浮虛山 縣北峙海中望之似隨波上下按山海經南海有浮石之山疑卽此宋鄧光荐有記

烏巖山 縣東南巖崖幽暗人踏罕到宋末鄧光荐避亂居此光荐有至烏巖山贈趙承節詩

廣東攷古輯要

卷六

山川

三

濠鏡澳山 縣東南突出海中明初番舶往來泊無定所率擇海中地之灣環者爲澳若新寧則有廣海望尙東莞則有虎門頭屯門雞棲香山則有浪白濠鏡十字門皆置守澳官嘉靖初諸澳盡廢惟濠鏡爲泊藪萬厯初因於澳口設關關外割爲諸番仕所今遷棄

三竈山 縣西南海中林木葱翠有三石如竈故名元末海寇劉進據焉明初平之有田三百餘頃皆極膏腴後奸民復通番爲亂二十六年指揮花茂殲其魁悉遷其餘黨禁民不得耕種

橫琴山 縣南海中二山相連東曰小橫琴西曰大橫琴元末爲海寇王一所據明洪武二十八年平之詔墟其地

燕子石 縣東以形似名縣志顧商死於山上一宿蟻銜泥成

墳號貢章墓疑唐孔璋墓也

九星洋 在城東南海中有九島如星爲九星洲山小多石巖石室可坐十餘人其草多芝蘭

石岐海 縣西北中多洲潭種蘆積泥成田唐鄭愚泛石岐海詩臺山初罷霧岐海正分流

井澳 縣南橫琴山下亦名仙女澳宋史瀛國公記景炎二年帝舟入海至仙女澳遇颶風舟敗幾溺又馬南寶起兵井澳卽此

開元泉 縣北飛駝山明宗正時何吾驄與其友搜得此泉開元者乃其二友之名也

古岡山 新會縣城隍廟前相傳隋設岡州於此

象山 縣西形如蹲象石角峻响明萬厯初築外城其西就山

廣東攷古輯要

卷六

山川

十三

爲城相傳昔爲石磯名象山角舟人視爲險灘後漸闢爲田

圭峯山 縣北一名玉臺山上多松竹瀑泉出焉明陳獻章有

詩

潭波羅山 縣南寰宇記云昔外國人嘗居此山潭波羅者番

語也

崑山 縣北有道人卓菴于上其巔有井曰天井

崙山 縣西北上有白龍池故老云有龍飛騰於山巔見輿地

紀勝

厓山 縣南宋紹興中置厓山寨控扼烏緒大洋之險祥興初

太傅張世傑奉帝昴自碭洲駐蹕於此上有宋行宮草市故

址山巔有石刻張宏範等功前有奇石書元張宏範滅宋於

此明宏治中御史徐瑁改刻云宋帝及丞相陸秀夫沈於石

下今建全節廟大忠祠於山中宋文天祥元張撓明梁有與
有詩

金山 縣西唐志岡州以金岡而名其地產金下有澗金坑旁
皆沃壤今皆爲民田不復有金坑矣西北有石洞曰金山巖
深廣皆二丈巖頂瀑布其白如練有盤石可坐數十人

紫水 縣西宋皇祐間水色偶變而爲紫者旬日人以爲瑞故
名

神仙井 縣西兩大山側澗水流疊石間滙爲池大小不一皆
有高下層次中生天然石窠巖左隙中一水直往窠內夏寒
冬煖窠旁有掌跡二幘跡二相傳仙人白玉蟾過此踞地飲
水頭頰手按入石成痕不滅

湯湖 縣西南迤邐長溪中流一帶其熱如湯上下之流皆冷

廣東古輶要 卷六 山川 四

崑都山 三水縣東南宋立斥堠於此廣州叅謀劉頴擒海鹽
盜蔡母謹和尚於三水鎮是也

石頂峰 縣東唐張九齡過此有詩

盧嶺 縣西北六祖盧能駐錫於此故名

仙蹟石 縣華山上寬平如掌有巨蹟俗傳李仙飛昇處

鴨浦水 城北水自萬山中出夏冷冬溫鴨鶩樂聚故名

樂塘江 縣北明永樂高安潛溟爲廣東副使朝覲經此洗硯

失水中次年還舟泊江側見硯隱隱在沙拾之作詩以記

峽山 清遠縣東一名中宿峽譚子和海嶠志二月五月八月

有湖上二禺峽逐浪返五羊一宿而至故曰中宿峽輿地紀

勝云崇山峻峙如劈太華中通江流廣慶寺居峽山之中有

殿甚古梁武時物也舊傳黃帝二庶子善音律南採崑崙竹

爲黃鍾之管隱於此山洞在東廡又謂之尋峽漢樓船將軍楊僕山尋峽去始興三百里近連山卽此峽也唐沈全期有賦張說宋之問李翱楊衡許渾胡曾宋蘇軾蔣之奇崔與之李昉英元賈煥明揚起元朱燮元有詩

金芝岩 在峽山北頂上唐開元中望氣者云五十里內有靈山發金草遣使求之獲靈芝鏗然作金聲因名

標蟠嶺 在峽山南頂上唐大曆中哥舒晃叛廣州遣將平之夢神人謂曰見幡卽回及賊平回師果見掛二幡禺山頂乃知山神之助見輿地紀勝

龍磨角石 峽西北石細滑方圓二丈每年春有龍於此磨角有新舊痕宛然見寰宇記

獅子石 峽北山頂上寰宇記云形如獅子古老相傳昔有僧居其石而無泉感老人指泉今玉泉寺和光洞在中宿峽內

有四色石榴花

真水 縣東漢樓船將軍楊僕出豫章下真水是也一名瀆水黃巢磯 縣東相傳黃巢嘗覆舟於此

廉水 縣西輿地紀勝云有人姓廉居此因名

金鎖潭 縣東秦時崑崙貢犀牛帶金鎖走入潭中晉時有漁人周重案者釣得金鎖牽之見犀牛掣之不得忽斷得金鎖一尺見寰宇記

放生池 卽峽山前峽水唐天寶年間京師劉楚舟泊寺岸見五色雲從峽山起夜夢數人各青衣揖謂曰願易此海爲安樂窩也晨興與知者議曰莫非水族必此界之神龍也表聞於上遂奉敕禁絕漁捕賜峽爲祝聖放生池

百丈嶺 花縣城北山石嶙峋其高千仞爲縣治屏辰

烏石巖 縣西南望之如墨外實中虛巔有仙人壙

夷鼓石 縣西四十五里山有巨石高懸如鼓遇有山賊嘯聚動衆徵兵則此石夜鳴居民甌釜皆響故名

韶州府

筆峰山 曲江縣北爲郡主山一名帽子峰上有整冠亭鳳來亭今廢

靈石 縣東北水經注利水南經靈石下一名逃石者舊傳言石本在桂林武城縣因夜迅雷之變忽然遷此彼人來見歎曰石乃逃來因名逃石以其有靈運徙又曰靈石其傑處臨江壁立霞駁有若繪焉水石驚瀨傳響不絕商舟淹留聆玩不已按元和郡縣志有牢石在曲江縣東蓋卽逃石以逃牢

廣東攷古輯要

卷六

山川

十六

聲而訛也

皇岡嶺 縣北端整如屏下有舜祠唐韓愈有詩

蓮花峯 在城南形似蓮花故名宋史開寶三年潘美伐南漢劉鋹使其將李承渥列象爲陣拒美於蓮花峰下卽此

芙蓉山 縣西山半有石室伏洞深莫可測漢末道士康容得仙於此唐許渾有詩

玉山 縣東卉木滋茂泉石澄潤寰宇記云玉山山下有廟曾有人得玉璞於此

王山 縣北俗名越王山二千石初到皆致虔祠水旱祈禱多應見寰宇記

紫微洞 縣西南宋紹興間朱翼謫居曲江遇父老指示始得遊此洞可容數百人

書堂巖 縣東張曲江讀書之所有元結題石云次山自道州刺史容管經畧史是時賊尙據本道以蒼梧爲治所北歸取道於此舍人朱翼跋云次山好奇所至遇佳山水必加雅目此巖獨不辱品題豈以曲江公嘗讀書其中故不欲更稱述耶今次山題刻不存惟翼題名宛然

靈鷲山 縣北水經注本名虎群山亦名虎市山以多虎暴故也晉義熙中沙門釋僧律葺宇巖阿猛虎遠跡蓋律仁感所致因改曰靈鷲山唐房融有詩

招隱巖 縣西宋有新州盧居士隱此蛻去提刑耿南仲爲書招隱二字刻石

韶石山 縣北昔虞舜登此石奏韶因名晉永和二年有飛仙游其上張循州韶石圖有三十六石名新婦石毬門石大禾

廣東金石錄

卷六

山川

十七

倉石小禾倉石太平石盤龍石獅子石侍石上鱗魚石下鱗魚石帽子峰石鳳閣石羅仙峰石雙闕石馬鞍石四接石使石三峰石桃石大香爐石小香爐石駱駝石奏樂石樓閣石寶蓋石硯面石虹霓石朝仙峰石覆船石五羊石圓石巖鐘石續石石白石井缺一嶺外代答祇列三十五石而缺其一宋李昉英有說余靖楊萬里蘇軾蔣穎叔有詩

大峒山 縣東有石洞廣十餘丈宋余靖有序及詩

南華山 縣南溪水迴環峰巒奇秀產茶與椒上爲象嶺唐儀鳳初僧盧能傳法於此一名儀鳳山宋蘇軾楊萬里文天祥有詩

林源山 縣北一名臨沅亦名洹山水經注林水出縣東北洹山王歆之始興記曰林水源裏有石室室前盤石上行羅十

瓮中悉是餅銀采伐遇之不得取取必迷悶晉太元初民封
驅之家僕密竊三餅歸發看有蛇螫之而死

錢石山 縣東湘州記云其狀四方有若臺巨石三面壁立上
有碎石如錢故名

岑水 縣南一名膽礬水又名銅水宋置場採謂水能浸生鐵
成銅又出生熟膽礬役民採之歲以充貢取之極難丁狀苦
之明成化初都御史韓雍革去

邱水 縣東南齊書五行志永明二年縣山崩壅流邱溪水成
陂卽此一名修仁水齊范雲爲始興太守至修仁水酌而飲
之賦詩見太平御覽

雲水 出縣北湯泉泉源沸湧浩氣浮雲以腥物投之俄頃卽
熟其中時有細赤魚游之不爲灼也見水經注

廣東古輯要

卷六

山川

十八

皇潭 縣北皇岡下潭側有舜祠昔爲舜遊之處

曹溪 縣東南梁天監元年天竺僧智藥自西土來泛舶尋流
至韶州曹溪水口聞其香掬嘗其味曰此水上流必有勝地
尋之遂開山立石寶林云後百七十年當有無上法師在此
演法今六祖南華寺是也唐張喬有送仰山禪師歸曹溪詩
虞泉 縣北皇岡下舜祠東巖味極甘冽冬夏不竭宋方信孺
有記

宣溪 縣南唐韓愈詩韶州南處接宣溪是也

大湧泉 縣東南泉出石鱗色白如乳宋朱翼謫居曲江游此
有記

卓錫泉 縣東南曹溪六祖浣衣卓錫所在宋蘇軾有銘

昌山 樂昌縣東拾遺志云山有石平廣數十步上多竹木交

蔭每至佳節爲士庶嬉游之所呼爲樂石今取山爲縣名
泐溪嶺 縣西北下有石室卽西石巖又名仙人石室宋余靖
有記

白石嶺 縣北一名寶山唐沈佺期有詩

冷君山 縣東北水經注云冷君山群峰之孤秀也晉太元十
八年崩千餘丈於是懸澗瀑掛傾流注壑頽波所入灌於瀧
水一曰靈君山有靈君之神因名舊圖經云山頂有池內有
肉根名九牛根與半夏同

藍象山 縣西北水經注云山名藍豪廣圓五百里岷峻險阻
巖嶺干天交柯雲蔚霍天晦景謂之瀧中

冷水 縣東北一名靈溪水舊經云水味甘飲之者壽鄉人取
以醞酒

廣東攷古輯要

卷六

山川

十九

三瀧水 縣西曰新瀧垂瀧腰瀧唐韓愈貶潮州過此作瀧吏
詩遂名韓瀧後以險處頗多又增三名曰崩瀧金瀧白茫瀧
謂之六瀧又東南下岐門灘峻急如瞿塘下經樂縣南入曲
江界元至正初始鑿新瀧西路明正德中鑿東路嘉靖間知
府符錫沿江開鑿疊石爲徑以便行人見縣志按後漢桂陽
太守周昕開六瀧瀧之名已古志云三瀧以韓愈所經名韓
瀧後增三名云云與舊說不合

盧溪 縣西北卽古黃岑水寰宇記云此水合武水處甚險名
曰新瀧有太守周昕廟卽始開此瀧者行者放鷄散米以祈
福而已著溼衣入廟

六祖泉 縣蔚嶺之西泉極甘冽昔傳六祖過此卓錫而出故
名

書堂巖 (仁化)縣南壁立千仞巖竇隱見而無路可攀相傳余靖嘗讀書於此

錦石巖 縣南其徑彎環直上千餘級夾道杉松高凌霄漢宋余靖有詩明知府符錫有記

丹霞山 縣南舊名長老寨壁立梯懸四周陞絕乃詔人避亂之所明末河南鄧州李永茂移家於此因鄧州有丹霞而海螺諸峰色如渥丹故名丹霞永茂有記

廉石山 縣北山有石井其泉清冽又石罅中有鎗竿相傳黃巢過此所投者

吳竹嶺 縣西北下有吳溪世傳越王勾踐滅吳其子孫避地於此

鵬風山 縣西相傳有巨鳥至此故名

廣東叢書輯要

卷六

山川

二十

白星山 縣西南相傳唐武德中有星隊山頂光如曳練故名

會湏水 縣南水色潔味甘美多白石舊傳飲之令人壽志意清潔

恩溪 縣北舊經云越滅吳之後王之子孫避居於此行失路逢一女子導而去後以金帛遺之因名思溪

鐘乳巖 (乳源)縣北形如卧獅穴中有石擊之有聲出鐘乳粉今無

臘嶺 縣西壁立峭拔郴州騎田嶺爲五嶺之一此其分支夏寒如臘故名

九仙巖 縣東南相傳昔有韓氏九女學道於此得仙今其下有九仙廟禱雨多應

梯雲嶺 縣西高出雲漢升躡如梯石壁殘碑詭不可讀

湯泉 縣西有石如長盆地中出泉若湯沸人多就浴

馬岫 翁源縣東相傳越王之子白馬王煉丹於此鄉民祠之壇址猶存

獅子嶺 縣東南山骨峻峭形如獅子爲東南要道舊名猿藤逕宋提刑楊萬里討惠潮賊嘗經此有詩

寶山 縣北高千餘仞石山之巔復載一石其下有池環繞左右東巖出泉深不可測春夏水溢時有巨鱗躍出多蓮藕夏月過此則芰香馥郁水石凌麗一奇觀也舊有寶山寺今廢梅巖 縣北高約十仞內極深廣以宋進士梅鼎臣讀書其中得名

羊逕山 縣西北兩崖對峙岑水中流石逕二十餘里峻險曲折不亞羊腸明宏治中鑿石爲坦道半道有石門扼塞可以

廣東攷古輯要

卷六

山川

二十一

拒守

書堂石 縣東羅立隴水中高九十丈周五里唐邵謁讀書於此

翁山 縣東北一名靈池山壁立千仞山頂有靈池池有八泉曰湧泉溫泉香泉甘泉震泉龍泉玉泉乳泉唐張文獻碑所謂八泉會而爲池卽此

翁水 縣東北寰宇記靈池山池中有石人或藏或見鬚眉皓白號翁人居此源皆享壽考因名翁水

峰口龍潭 縣北潭有龍遇旱鄉人灑石灰禱之卽雨
耽石泉 縣北華蓋山高峰絕頂巨石如屏有泉白石中湧出

宋余靖摩崖記之

燕子泉 縣治右側春出秋伏與燕子同來去故名

南山 英德縣南下有栖霞洞涵暉谷北爲鳴絃峯世傳舜南
巡彈琴於此宋汪任詩滇陽富佳致無以過南山

碧落洞 縣南下通溪流懸石如霓旌羽蓋狀南漢主晟嘗假
宿其中命侍臣鍾允章撰碧落洞天盤龍御室記唐周夔羽
皇作記鐫石日到難篇宋余靖蘇軾程之才有詩

皋石山 縣南一名滇陽峽水經注云漾水西南歷皋石太尉
二山之間是曰滇陽峽兩岸傑秀壁立虧天昔嘗鑿石架閣
合兩岸相接以拒徐道覆

太尉山 縣西漢郡守鄧彪嘗駐此後召爲太尉故名明黎遂
球有記唐張九齡有詩

英山 縣東卽古滇石山水經注滇石山廣圓三十里挺嶸大
江之北盤址長川之際其陽有石室漁叟所憩昔欲於山北

廣東按古輶要

卷六

山川

二十二

開達郡之路輒有大蛇斷道不果是以今行者必於石室前
泥舟而濟

堯山 縣西赭岳迭起冠以青林與雲霞亂采見水經注相傳
堯南巡時登此或謂以山堯然而高故名堯俗誤爲堯山云
宋米芾有詩

白鹿岡 縣東水經注云咸康中郡民張魴爲縣有善政白鹿
來遊故名

滇山 縣西北秦末趙佗築萬人城於此

潮水巖 縣東泉出石竇與海潮相應明湛若水有詩

輪石山 縣北一名彈子磯明翁大立黎民表有詩

瀧頭水 縣南兩山夾峙水多激石宋史潘美伐南漢克英州
次瀧頭卽此

流杯池 縣西北山泉兩道合流石壁間盤迴曲折可以流觴
舊經云衡州刺史陳伯信每歲禊飲於此

清溪 縣北岑水曲江合流至此而沃蓋山有三灣水環山而
瀦澄澈可鑑宋元祐間廣帥蔣之奇作三灣亭詩

